

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA

Broj:02-02-7-467/15
Sarajevo, 31.3.2015. godine

Z A P I S N I K
2. VANREDNE SJEDNICE DOMA NARODA PARLAMENTA FEDERACIJE
BOSNE I HERCEGOVINE od 31.03.2015. godine

Sjednica je počela u 22.30 sati.

Sjednicom je predsjedavala Lidija Bradara, predsjedavajuća Doma naroda Parlamenta Federacije BiH.

Na osnovu evidencije Stručne službe, predsjedavajuća je konstatovala da sjednici prisustvuje 45 delegata, što čini većinu, pa Dom naroda može raditi i punovažno odlučivati.

Predsjedavajuća je obavijestila delegate da je premijer Federacije Bosne i Hercegovine Fadil Novalić obavijestio Parlament Federacije Bosne i Hercegovine da je Vlada Federacije na 1. hitnoj sjednici utvrdila Prijedlog budžeta Federacije BiH za 2015. godinu i Prijedlog zakona o izvršavanju budžeta Federacije BiH za 2015. godinu te ih dostavila Parlamentu Federacije s prijedlogom da se razmatraju po hitnom postupku.

Također, Vlada Federacije je prihvatila i planove vanbudžetskih fondova uz napomenu da su navedeni akti utvrđeni i prihvaćeni u istovjetnom tekstu kao i akti koji su Parlamentu Federacije dostavljeni dopisima broj: 03-14-1265/2014 od 25.3.2015, broj:03-14-1265/2014 od 26.3.2015. godine i broj: 03-02-1266/2014 od 26.3.2015. godine.

Potom je predsjedavajuća pozvala delegate Doma naroda da se izjasne o postupku po kojem će se razmatrati Prijedlog budžeta Federacije BiH za 2015. godinu i Prijedlog zakona o izvršavanju budžeta Federacije BiH za 2015. godinu.

Na osnovu rezultata glasanja predsjedavajuća je konstatovala da je Dom naroda Parlamenta Federacije BiH sa 40 glasova za, bez glasova protiv i tri suzdržana glasa prihvatio da se Prijedlog budžeta Federacije BiH za 2015. godinu razmatra po hitnom postupku.

Na osnovu rezultata glasanja predsjedavajuća je konstatovala da je Dom naroda Parlamenta Federacije BiH većinom glasova sa 43 glasa za, jednim glasom protiv i četiri suzdržana glasa prihvatio prijedlog da se Prijedlog zakona o izvršavanju Budžeta Federacije BiH za 2015. godinu razmatra po hitnom postupku. Zatim se prešlo na izjašnjavanje o predloženom dnevnom redu.

Predsjedavajuća je, na osnovu rezultata glasanja, konstatovala da je Dom naroda Parlamenta Federacije Bosne i Hercegovine sa 44 glasa za, bez glasova protiv i četiri suzdržana glasa usvojio sljedeći:

DNEVNI RED

- 1. Prijedlog budžeta Federacije BiH za 2015. godinu - hitni postupak,**
- 2. Prijedlog zakona o izvršavanju Budžeta Federacije BiH za 2015. godinu – hitni postupak,**
- 3. Prijedlog odluka o davanju saglasnosti:**
 - a) Finansijski plan Zavoda zdravstvenog osiguranja i reosiguranja Federacije BiH konsolidirani za 2015. godinu,**
 - b) Finansijski plan Federalnog fonda solidarnosti za 2015. godinu Aneks 1**
 - c) Finansijski plan Stručne službe Zavoda zdravstvenog osiguranja i reosiguranja Federacije BiH za 2015. godinu Aneks 2**
 - d) Odluka o načinu izvršavanja Finansijskog plana Zavoda zdravstvenog osiguranja i reosiguranja Federacije BiH za 2015. godinu,**
- 4. Prijedlog odluka o davanju saglasnosti na Finansijski plan Federalnog zavoda za zapošljavanje za 2015. godinu i procjena Plana za 2016. i 2017. godinu:**
 - a) Odluka o usvajanju Finansijskog plana Federalnog zavoda za zapošljavanje za 2015. i procjena Plana za 2016. i 2017. godinu**
 - b) Odluka o izvršavanju Finansijskog plana Federalnog zavoda za zapošljavanje za 2015.godinu,**
- 5. Prijedlog odluke o davanju saglasnosti na prijedlog Finansijskog plana Federalnog zavoda za penzijsko-invalidsko osiguranje za 2015. godinu**

1. Prijedlog budžeta Federacije BiH za 2015. godinu - hitni postupak

Prijedlog budžeta Federacije Bosne i Hercegovine za 2015. godinu utvrdila je Vlada Federacije.

Predstavnički dom Parlamenta Federacije BiH je na 5. vanrednoj sjednici od 31.3.2015. godine usvojio Prijedlog budžeta Federacije BiH za 2015. godinu u tekstu kako ga je predložila Vlada Federacije.

Prijedlog budžeta Federacije Bosne i Hercegovine za 2015. godinu obrazložio je Fadil Novalić, premijer Federacije BiH.

U raspravi su učestvovali: Mustafa Kurtović, Predrag Kojović, Ivo Tadić, Fuad Hadžimehmedović, Aner Žuljević i Željko Mirković.

Na Prijedlog budžeta Federacije Bosne i Hercegovine za 2015. godinu zajedničke amandmane podnijeli su: Mustafa Kurtović, Daliborka Milović, Edin Fejzić, Emir Frašto i Sanel Mušović. Također, amandman je podnio i Slobodan Tomić. Premijer Federacije je izjavio da Vlada Federacije BiH nije prihvatila navedene amandmane.

Predsjedavajuća je pozvala delegate da se izjasne da li ostaju pri podnesenim amandmanima. Pošto podnosioci amandmana nisu odustali od istih,

predsjedavajuća ih je stavila na glasanje i na osnovu rezultata glasanja konstatovala da:

- Dom naroda Parlamenta Federacije BiH nije prihvatio Amandman koji su zajednički podnijeli Mustafa Kurtović, Daliborka Milović, Edin Fejzić, Emir Frašto i Sanel Mušović jer je za glasalo 20 delegata, jedan delegat je bio protiv i 24 delegata su bila suzdržana.

- Dom naroda Parlamenta Federacije BiH nije prihvatio Amandman Slobodana Tomića jer je za glasalo 11 delegata, sedam delegata je bilo protiv i 25 delegata je bilo suzdržano.

Potom je stavljen na glasanje Prijedlog budžeta Federacije BiH za 2015. godinu.

Na osnovu rezultata glasanja predsjedavajuća je konstatovala da je Dom naroda Parlamenta Federacije BiH većinom glasova sa 42 glasa za, pet glasova protiv i četiri suzdržana glasa usvojio Prijedlog budžeta Federacije BiH za 2015. godinu.

Delegat Ivo Tadić je u ime Kluba delegata hrvatskog naroda predložio da Vlada Federacije BiH u naredna dva mjeseca ponudi Rebalans Budžeta i da to uđe u zaključak prilikom donošenja Budžeta.

Prijedlog zaključka je usvojen sa 33 glasa za, 13 glasova protiv i 10 suzdržanih glasova.

S obzirom na to da je izražena sumnja u rezultate glasanja, sekretar Doma naroda Izmir Hadžiavić je izvršio poimenično izjašnjavanje.

Na osnovu rezultata poimeničnog izjašnjavanja predsjedavajuća je konstatovala da je Dom naroda Parlamenta Federacije BiH sa 33 glasa za, sedam glasova protiv i 11 suzdržanih glasova usvojio slijedeći

Z A K L J U Č A K

Zadužuje se Vlada Federacije Bosne i Hercegovine da u roku 90 dana u parlamentarnu proceduru dostavi izmjene i dopune Budžeta Federacije Bosne i Hercegovine za 2015. godinu.

2. Prijedlog zakona o izvršavanju Budžeta Federacije BiH za 2015. godinu – hitni postupak

Prijedlog zakona o izvršavanju Budžeta Federacije BiH za 2015. godinu utvrdila je Vlada Federacije

Predstavnički dom Parlamenta Federacije BiH je na 5. vanrednoj sjednici od 31.3.2015. godine usvojio Prijedlog zakona o izvršavanju Budžeta Federacije BiH za 2015. godinu u tekstu kako ga je predložila Vlada Federacije.

Delegati Doma naroda Parlamenta Federacije BiH nisu zahtijevali da predsjednik Vlade Federacije BiH obrazloži Prijedlog zakona.

U raspravi niko nije učestvovao.

Na osnovu rezultata glasanja predsjedavajuća je konstatovala da je Dom naroda Parlamenta Federacije BiH sa 44 glasa za, jednim glasom protiv i četiri suzdržana glasa usvojio Prijedlog zakona o izvršavanju Budžeta Federacije BiH za 2015. godinu.

3. Prijedlog odluka o davanju saglasnosti na:

- a) Finansijski plan Zavoda zdravstvenog osiguranja i reosiguranja Federacije BiH konsolidirani za 2015. godinu,
- b) Finansijski plan Federalnog fonda solidarnosti za 2015. godinu Aneks 1
- c) Finansijski plan Stručne službe Zavoda zdravstvenog osiguranja i reosiguranja Federacije BiH za 2015. godinu Aneks 2
- d) Odluku o načinu izvršavanja Finansijskog plana Zavoda zdravstvenog osiguranja i reosiguranja Federacije BiH za 2015.godinu.

a) Finansijski plan Zavoda zdravstvenog osiguranja i reosiguranja Federacije BiH (konsolidirani) za 2015. godinu

Planove je dostavila Vlada Federacije BiH.

Predstavnički dom Parlamenta Federacije BiH je na 5. vanrednoj sjednici od 31.3.2015. godine donio Odluku o davanju saglasnosti na Finansijski plan Zavoda zdravstvenog osiguranja i reosiguranja Federacije BiH za 2015. godinu u tekstu kako ga je predložila Vlada Federacije.

U raspravi niko nije učestvovao.

Na osnovu rezultata glasanja predsjedavajuća je konstatovala da je Dom naroda Parlamenta Federacije BiH sa 48 glasova za, bez glasova protiv i sa četiri suzdržana glasa donio Odluku o davanju saglasnosti na Finansijski plan Zavoda zdravstvenog osiguranja i reosiguranja Federacije BiH za 2015.godinu.

b) Finansijski plan Federalnog fonda solidarnosti za 2015. godinu Aneks 1

Na osnovu rezultata glasanja predsjedavajuća je konstatovala da je Dom naroda Parlamenta Federacije BiH većinom glasova 40 za, bez protiv i sa četiri suzdržana glasa donio Odluku o davanju saglasnosti na Finansijski plan Federalnog fonda solidarnosti za 2015. godinu.

c) Finansijski plan Stručne službe Zavoda zdravstvenog osiguranja i reosiguranja Federacije BiH za 2015. godinu Aneks 2

Na osnovu rezultata glasanja predsjedavajuća je konstatovala da je Dom naroda Parlamenta Federacije BiH većinom glasova 47 za, bez glasova protiv i sa četiri suzdržana glasa donio Odluku o davanju saglasnosti na Finansijski plan Stručne službe Zavoda zdravstvenog osiguranja i reosiguranja Federacije BiH za 2015. godinu.

d) Odluka o načinu izvršavanja Finansijskog plana Zavoda zdravstvenog osiguranja i reosiguranja Federacije BiH za 2015. godinu

Na osnovu rezultata glasanja predsjedavajuća je konstatovala da je Dom naroda Parlamenta Federacije BiH sa 47 glasova za, bez glasova protiv i četiri suzdržana glasa donio Odluku o davanju saglasnosti na Odluku o načinu izvršavanja Finansijskog plana Zavoda zdravstvenog osiguranja i reosiguranja Federacije BiH za 2015. godinu.

4. Prijedlog odluka o davanju saglasnosti na Finansijski plan Federalnog zavoda za zapošljavanje za 2015. godinu i procjena Plana za 2016. i 2017. godinu:

a) Odluka o usvajanju Finansijskog plana Federalnog zavoda za zapošljavanje za 2015. i procjena Plana za 2016. i 2017. godinu,

b) Odluku o izvršavanju Finansijskog plana Federalnog zavoda za zapošljavanje za 2015. godinu,

Predstavnički dom je na 5. vanrednoj sjednici od 31.3.2015. godine donio odluku o davanju saglasnosti na plan i odluke.

Plan i odluke dostavila je Vlada Federacije BiH radi razmatranja i davanja saglasnosti.

U raspravi niko nije učestvovao.

Na osnovu rezultata glasanja predsjedavajuća je konstatovala da je Dom naroda Parlamenta Federacije većinom glasova 47 za, bez glasova protiv i sa četiri suzdržana glasa, donio Odluku o davanju saglasnosti na Finansijski plan Federalnog zavoda za zapošljavanje za 2015. godinu i procjenu plana za 2016. i 2017. godinu.

a) Odluka o usvajanju Finansijskog plana Federalnog zavoda za zapošljavanje za 2015. i procjene Plana za 2016. i 2017. godinu

Na osnovu rezultata glasanja predsjedavajuća je konstatovala da je Dom naroda Parlamenta Federacije većinom glasova 47 za, bez glasova protiv i četiri suzdržana glasa, donio Odluku o davanju saglasnosti na Odluku o usvajanju Finansijskog plana Federalnog zavoda za zapošljavanje za 2015. godinu i procjene Plana za 2016. i 2017. godinu.

b) Odluka o izvršavanju Finansijskog plana Federalnog zavoda za zapošljavanje za 2015. godinu

Na osnovu rezultata glasanja predsjedavajuća je konstatovala da je Dom naroda Parlamenta Federacije većinom glasova 47 za, bez glasova protiv i sa četiri suzdržana glasa, donio Odluku o davanju saglasnosti na Odluku o izvršavanju Finansijskog plana Federalnog zavoda za zapošljavanje za 2015. godinu.

5. Prijedlog odluke o davanju saglasnosti na prijedlog Finansijskog plana Federalnog zavoda za penzijsko-invalidsko osiguranje za 2015. godinu

Prijedlog plana je prihvatila Vlada Federacije BiH i dostavila Parlamentu Federacije radi davanja saglasnosti.

Predstavnički dom Parlamenta Federacije BiH je na 5. vanrednoj sjednici od 31.3.2015. godine donio Odluku o davanju saglasnosti na Prijedlog plana.

U raspravi niko nije učestvovao.

Na osnovu rezultata glasanja predsjedavajuća je konstatovala da je Dom naroda Parlamenta Federacije BiH usvojio Odluku o davanju saglasnosti na Prijedlog finansijskog plana Federalnog zavoda penzijsko-invalidskog osiguranja za 2015. godinu, sa 47 glasova za, bez glasova protiv i četiri suzdržana glasa.

Sjednica je završena u 23.20 sati.

Transkript sjednice čini sastavni dio Zapisnika.

SEKRETAR

Izmir Hadživdić

PREDSJEDAJUĆA

Lidija Bradara